

財政

升任直隸總督袁等會奏試鑄銀幣事宜摺

二十四

三月

區別既經稅務大臣奏准一律徵稅自應遵照辦理惟電報各局二百餘處分布二十二行省其間修理機件需用材料半皆零星之物若沿途稽留完稅納款甚少窒礙滋多於邊遠省分尤形不便殊非慎重交通之道臣等公同商酌擬請所有電報物料統於進口之時完納一次正稅其餘經過各關概不重徵如此則稅項既屬無虧而商股亦受其利於電政前途獲益非淺如蒙 俞允應由臣部轉行各衙門遵照辦理謹 奏奉 旨依議欽此

升任直隸總督袁等會奏試鑄銀幣事宜摺

竊臣等前准度支部咨開本部奏請試鑄通用銀幣一摺於光緒三十三年三月二十八日具奏奉 旨依議欽此相應刷印原奏恭錄 諭旨咨行欽遵查照等因前來臣等查

閱原奏互相籌商迭加討論竊以爲法必規諸遠大事無憚其繁難偏見者取便一時而苟簡適以滋後患深識者綜籌全局而得失乃有所折衷卽如此次部議試鑄銀幣其重量主用七錢二分臣等詎不知此項幣式中國商埠沿用稍久習慣不驚仿而行之自易爲力顧於事雖較易而爲法則已非且其害又甚鉅何以言之蓋既制爲國幣必當詳核統計有昭示中外之宏規未可苟且補苴爲權宜目前之政策已也夫創修幣制本爲一國自有之特

權而審定分量之輕重與夫成色之高下須適合乎至當不易之準則而不必有依附摹擬之見存中國向係用銀之國從前幣制未立僅用生銀官民出納皆以兩錢分釐計算海通以來墨西哥之鷹洋乘間流入自通商口岸逐漸灌輸於內地以彼低潮之成色易我純足之寶銀虧耗無形歲糜千萬近年各省自造龍元藉爲抵制而仍以墨元七錢二分之重量爲準此僅可謂仿造洋元而不得爲制定國幣臣世凱臣之洞向主造一兩重銀幣之議前年財政處會同戶部奏定鑄造重庫平一兩銀幣定爲本位更鑄五錢二錢一錢三種銀幣與現鑄之銅元舊有之制錢相輔而行公私收發款項一律行用洵足以垂定制而昭大信茲准部議酌定銀幣分量仍改從七錢二分之制在部臣不憚遲回審慎一再改良按原奏所稱係爲利推行而期畫一起見其用意固未可厚非然臣等總總慮竊恐推行未必盡利而弊害已伏其中畫一更屬難期而紛擾且因而起有不得不縷晰陳之者查各國貨幣自有制度如英之先令俄之盧布德之馬克法之佛郎美之託臘日本之金銀元並適其宜各不相襲中國制定國幣乃務爲簡易沿用外人之程式坐昧經國之遠圖如幣制何如政體何害一中國用銀向以兩計今制爲七錢二分之銀幣將廢兩不用也勢必不能將用元而仍存兩耶何名畫一徒滋人疑莫定民志而將來實行商約仍難免於更張害二既名國

幣各庫自應收放如仍按兩折合則畸輕畸重弊混叢生斷難一律而胥吏阻僮益得因緣爲奸是謂病民如逕按元收納則一切應收官項公家喫虧甚鉅是謂病國害三中國惟無幣制故墨元得以侵入今鑄造銀幣而分量輕重悉視墨元非特無以示抵制且不啻招其浸灌而助之推廣也譬四有此四害則七錢二分之幣是遷就之法而絕非久遠之謀是沿襲之爲而非規定之制上損國體下失民信內便中飽外長漏卮全局通籌未見其可竊謂宜仍用前年財政處戶部奏定一兩重量庶以正圖法而昭幣制顧主七錢二分之議者每謂一兩之未易行其論多端大要不外二者一謂七錢二分便於商民而一兩不便於商民一謂七錢二分便於與外國交涉而一兩不便於與外國交涉臣等請再陳之查墨元之所以能行於中國者以我國初無銀幣自易輸入非因其輕重之適宜也卽如俄之盧布行於東三省印度之羅比行於西藏分量又各不同是其明證況墨元僅行於通商口岸及東南各省其內地及西北各省率皆習用生銀恐墨元不敵生銀百分之一烏得執一隅以概全局且民間應納丁漕釐稅定例係一兩計與其用畸零之元而折合兌交何如用整齊之兩而簡捷完解其不及一兩者卽有找補亦較省事此一兩之便於商民者也中國與外國款項交涉進款以洋稅爲大宗而海關歲收三四千萬皆以兩計況釐定國幣訂在商約外

國商民悉應遵用今定爲庫平一兩之銀幣其餘各平將來必應盡廢雖納關稅者一時尙用關平核計然以庫平一兩之幣折合關平之銀較之以七錢二分之二元折合關平之銀亦爲便利出款以賠款爲大宗而公約所定四百五十兆亦以兩計且以銀合金鎊價已有虧累之時若再以七錢二分合算則恐更有虧折此一兩之便於與外國交涉者也以彼四害形此兩便則國幣宜用一兩之制自無疑義若部議所謂大小輕重易於攜帶之說則自兩以下有五錢二錢一錢其重量皆較七錢二分輕便蓋有一兩以爲本位之幣又有五錢二錢一錢以爲補助之幣自可暢行無阻部議又謂七錢二分之銀元用以折合銅幣制錢易於操縱如大銀幣一元折合七分二釐之小銀幣十角小銀幣一角折合十文之銅幣十枚銅幣一枚折合制錢十文均以十進位而一兩銀幣重量不同多以爲不便行用等語其說甚辯不知銀幣無論如何制定皆不能舉銅幣制錢而廢去之銀幣以一兩爲主達於一錢爲止猶之小元達於一角爲止自錢而下仍有銅幣制錢交資並濟又何不便之有今試以一兩新幣姑照制錢一千五百文定價實合十文之銅幣一百五十枚其五錢者合七十五枚二錢者合三十枚一錢者合十五枚再等而下之一分應合制錢十五文一釐應合制錢一文半夫一文有半似近破碎矣然勢非得已也若必有整無碎則部奏均以十進位者其

財政

升任直隸總督袁等會奏試鑄銀幣事宜摺

二十七

戊申

小銀幣一角當以十分計算而不當用七分二釐其大銀幣一元當以十錢計算而不當用七錢二分是破碎之咎此僅找付之細彼且占正位之中果孰得而孰失也況中國用銀之地究較多於用元之地若如部議則向係專用銀兩未通銀元之處其於銅幣制錢遂無折合之時耶卽謂折合多不畫一試問通行銀元各省其折合果已畫一否耶且制爲一兩銀幣正因其數目分明可免挑剔平色之弊固自爲整頓畫一計也部議又謂東西國幣形式重量大半相類墨國新幣值當美幣一託臘之半今中國從七錢二分之制重適相等將來與各國比例固易折算不知各國幣制重量實多懸殊姑就日本言之日金一元約可抵美之半託臘俄之一盧布德之二馬克尙屬相類也然以例法之佛郎則僅抵十之四金以合英鎊且僅抵十之一矣重量參差如此尙謂之大半相類耶故隨人步趨良可不必至於一兩之視七錢二分折算孰爲難易更無俟煩言而解部議又謂鄂鑄一兩銀幣未甚行用已收回鎔燬所言實未盡符合臣之洞查鄂鑄一兩銀幣本省通行前已發出七十餘萬不惟藩庫收發商民信用卽江漢關稅亦按庫平足紋一律收納此爲行銷明徵嗣因部文改鑄一兩零六分者不得不將舊鑄陸續收回然至今尙有十餘萬散在民間此乃迫於部章並非鄂省自行銷燬部臣原奏未免悞會夫重量既審則成色宜定竊謂此次創定國幣必須

力求完備毫髮無憾無往不宜無施不可方爲盡美前年部定成色係用九八或謂宜用九六然皆非足色既非足色則本國上下出納已有不便若買鎊還債洋人必仍按其成色計算不肯認爲足銀既以銀爲本位則所鑄國幣必使中外同認毫無貼補以後一切有關幣制本位等事方能施措鑿宜故重量必以一兩爲歸成色尤必以十足爲準然足色純銀質輒易敝考日本鑄造金元表凡值銀十元者其金元重二錢二分二釐其中足金實有二錢蓋將其銅料雜質二成扣除不計仍作足金二錢計算故能通行無滯英人言英國金鎊亦僅計足金之數他國亦然各國鑄幣辦法既大略相同我斷不能不一律照辦近由鄂省詳加化驗試鑄若每一枚用足銀一兩加入雜質三分共重庫平一兩零三分銀質並不嫌輕聲音亦甚清亮至於工火虧耗計每銀幣一萬兩須折耗二百兩零其數不爲不鉅然臣等聞東西洋商之善於懋遷精於會計者大率每深謀遠慮不務小利近功雖營業之初屢經折閱糜財無算而彼明知大利在後輒不憚投擲資本甘心受虧久之成效昭然非但恢復母金並且增益鉅產由所見大而所持堅也貿易者尙如此況於謀國計乎此次宗旨專爲創定幣制改正圓法齊一民用保存國權大利自在無形之中固不若尋常市儈之徒操奇贏而逐什一雖極知其虧耗猶毅然而爲之且銀幣信則紙幣行中外誠信相孚其大利所

財政

升任直隸總督袁等會奏試鑄銀幣事宜摺

二十九

戊申

財政

升任直隸總督袁世凱奏試鑄銀幣事宜摺

三十

三月

存收效尤遠何爭此一時之盈絀或謂須參鑄各種小幣均定爲足銀九成藉資補助此已將小幣成色擡高用意至爲矜慎然按此計之小幣一萬兩約可得盈餘四五百兩而大幣每萬兩須虧至二百兩有奇且小幣尙須限定鑄數恒不得過大幣十分之一則此區區盈餘不過僅能抵補十之二三此外折虧尙多仍難彌補似不如均用足色則絲毫不失信用而遐邇更易流通今日固屬便民異日正以利國迨民信既久將來酌劑盈虛之道操縱仍在國家尙何復折耗之足患惟查各國補助幣皆無用足色者以其行用有限制國庫包退換故舉國皆信從而遵行之中國地大權分政令未一而財政機關尤屬未備此事首以取信商民爲主若小幣減成民不見信恐仍不免折扣抑壓之弊卽不能無動搖本位之慮故無論大小各幣均以一律足色爲宜如慮工本過鉅非但無盈餘可得而且有虧折堪虞則萬不得已或於二錢一錢之幣參用九成而由公家包爲兌換至五錢之幣較一兩爲輕便於行用必須十足成色且須多爲鑄造俾與一兩並行庶可相維不敝或又謂國力未裕鑄本尙難籌措折耗更復何堪不知規遠大之圖者卽不應憚繁難之舉臣等固已言之矣合全力以經營或衆擎而易舉卽謂現在財政困難然部議試鑄之幣似必須迅速停罷則此等正當幣制以後尙有推行之時若必仿照七錢二分之洋元究於幣制名義何涉且於推

行阻礙甚多。恐如所謂非徒無益而又害之者也。或又謂中國寶銀並無足色。祇在九八九之間。苟鑄十足。損失必多。且恐洋商收我新幣。而以寶銀抵換盤剝。或鎔化牟利。此說亦不爲無見。查中國寶銀原有庫寶市寶之分。庫寶卽兌藩庫解京餉之寶。市寶卽各埠行用之寶。庫寶雖名爲庫平庫色。而已非真正十足市寶。尤成色不一。如遇兌交庫款。向皆以庫平庫色爲衡。其非庫寶者。均須按各埠行用成色補足。庫寶成色實則更胥高下。其手頗滋弊竇。今擬鑄庫平庫色一兩銀幣。確係真正十足。除將來專行新幣。凡各項紋銀均須逐漸禁絕。外現在兌換新鑄十足之銀幣。無論官鑄庫寶及各埠市面行用寶銀。以逮生銀錠塊。並外來銀條。均須按照真正十足成色分別申補。各不相混。既不能抵換盤剝。更不能鎔化牟利。此理較然甚明。固無庸慮其損失也。幣制關係重大。不厭詳求。臣等往返電商。均主一兩之議。臣端方前次詢謀南省紳商。曾以七錢二分爲便。茲准臣世凱臣之洞所議統籌辦法意見相同。至十足之議。查前年鄂省奏鑄仍係九成紋銀。未經議及足色。此次臣世凱初議亦擬用九八成色。今經公同商酌反覆研究。考諸商論。揆諸外洋情形。仍以足色爲最善。是以擇善而從。均不敢拘泥前說。所有鑄造銀幣宜用一兩重量十足成色。臣等爲昭幣制正圖法起見。究應如何折衷至當之處。應請 旨飭下內閣會議處核議施行。謹 奏

財政

升任直隸總督袁等會奏試鑄銀幣事宣統

三十一

戊申